

青
海
秦
疏

青

海

春

疏

青海奏疏

為恭摺叩謝

天恩仰祈

聖鑒事竊奴才在平番營次准兵部遞到同治十二年十月二

十九日內閣奉

上諭前據左宗棠奏肅州克復關內一律肅清先後降旨將左宗棠等及在事出力各員優加獎勵因思該省各路統兵大員或扼要設防或相機離剿同心協力共奏膚功允宜一體施恩以彰勞勩副都統銜西甯辦事大臣豫帥會同左宗棠辦理西甯招撫事宜復在平番防剿得力著賞給頭品頂戴

等因欽此奴才聞

命自天銜

恩無地當即恭設香案望

闕叩頭訖伏念奴才三韓下士一介儒生忝領偏師愧疏將略

仗

皇威之震懾幸隴右之肅清未効涓埃正深悚惕迺竟榮叨

上賞

寵耀頭銜顧名思義亟勵品之弗違甄敘

推恩愈戴

德之靡既心銘刻骨頂感淪肌奴才惟有勉期建白力矢寅丹

以冀仰答

高厚生成於萬一所有奴才感激下忱理合繕摺叩謝

天恩伏祈

皇上聖鑒謹

奏

奉

硃批知道了

為遵

旨查明出力員弁團紳懇

恩俯准獎勵聯銜恭摺仰祈

聖鑒事竊臣等於同治十年七月初八日會銜具奏賊匪大股
竄撲礮伯縣城官軍連日迎剿獲勝一摺於八月二十五日
承准軍機大臣字寄同治十年八月初一日奉

上諭左宗棠穆圖善豫帥奏礮伯剿匪獲勝南川被匪竄擾左
宗棠穆圖善奏堵擊西甯賊匪各摺片覽奏均悉陝匪崔三
等竄擾礮伯之勝畝溝等處並撲礮城經官軍連日進剿將
賊擊退平戎一帶肅清剿辦尚為得手在事尤為出力各員

著左宗棠等查明保奏等因欽此遵

旨寄信前來欽遵之下 臣等當即轉飭代理碭伯縣知縣童水
基管帶利達中營副將李春海等會同確實查明出力員弁
團紳開單去後嗣據該員等遵開請獎清單 臣等因其人數
過多恐涉冒濫遂經駁飭核汰以昭慎重茲復據該員等開
具核汰清摺請保前來 臣等覆加查核均悉實在尤為出力
尚無冒濫謹繕清單加具切實考語恭呈

御覽其請拔千把外委並請給翎枝各弁勇飭造花名清冊咨
送兵部查核僅於清單後聲敘總數統析

天恩俯准分別給獎

飭部註冊俾資感奮除飭取各員并團紳履歷另行咨部外所
有遵

旨查明保奏緣由理合聯銜繕摺由驛馳陳伏祈

皇上聖鑒訓示再穆圖善前已開赴東路現在入都

陛見未經列銜合併聲明謹

奏

奉

硃批另有旨

再奴才豫師於同治十二年十一月初十日承准軍機大臣
字寄同治十二年十月二十九日奉

上諭西甯安插各回衆能否不滋事端並著左宗棠豫師據實
具奏等因欽此奴才跪讀之下仰見

聖主塵念邊陲之至意曷勝欽佩查西甯為回撒老巢醜類聚
處之區在承平時以辨教為名久作不靖自回逆變亂以來
十載於茲回目馬尕三即馬文義並馬桂源馬本源等相繼
倡首潛煽陝回及本省各路敗黨先後遁逃窩聚焚掠西甯
屬境之漢民莊堡番族寺院率成焦土迨後馬尕三於入兵
進剿以前即伏宮誅而馬桂源等經官軍痛加剿洗仰賴

天威震攝馬桂源馬本源等及其家屬均被生擒分別梟戮遣

辦其土著甯回峒黨除各軍陸續擒斬外而小峽口及向陽

堡兩處陣斬已及八千餘眾其餘投誠土著各回雖經劉錦

棠收撫勒繳馬械然亦孤弱無能為役矣惟猶巴等處撤回

性素獷悍地處番邊本無生業久以剽掠為事此次聞西甯

軍威大振心膽已寒及臬司陳湜帶兵到境相率倒戈自未

便一律駢誅當經陳湜稟請督臣左宗棠准予自新安分生

理其陝回及本省各路竄黨最為大股除接仗殲夷並白虜

虎一股逸竄外其餘三萬餘人已悉數分起遷出甯境由督

臣分別飭文各處地方官安插訖至碾伯縣屬之米拉溝等

處尚有客回數千刻下正在遷徙是甯境客回既盡遷徙出境所遺僅只殘敗土回勢孤力窮又兼大受懲創元惡悍黨悉被誅夷以現在情形而論尚屬安帖第查西甯為海藏咽喉回番雜處邊地昔年原設有鎮協營汛重兵彈壓現今擾亂十年漢民寒落綠營兵額久曠舊制一時難復自宜仍需營勇分駐以鎮攝之俟綠營復其舊制再行陸續裁撤防勇以期久安而弭後患也再西甯通遼關外草地奴才昨准督臣左宗棠咨會飭劉錦棠擇於要隘修築堡寨調撥兵勇扼駐盤詰絕關外相通蹊徑則關外匪黨不至內竄而甯地更可無虞合併陳明所有遵

旨據實具奏西甯情形理合附片馳陳伏祈

皇上聖鑒謹

奏

奉

硃批知道了

再奴才豫帥前飭各營改修驛路大道掘井蓋店商旅通行
流民亦漸有歸來者平番地向較前已覺興復現當關內肅
清督臣業已旋省後路無虞因與督臣左宗棠商擬俟木拉

溝等處遷徙客回交由平番縣擇地安插畢約二月間即帶
員弁親兵並駐防連城大寺地方之利建右營開拔前赴碾
伯相機駐紮所有平番新站河橋驛水溝四處扼紮奴才所
部各營現當新開站道數百里人煙寥落土匪逃勇最易伏
匿應仍暫飭駐紮以安行旅而護運事查碾伯距平計程三
站距西甯府城計程一站奴才進紮碾伯凡平番新站一帶
駐防各營相離不甚遙遠調度尚易而於奴才衙門日行公
事辦理較更便捷除俟奴才開紮到碾之日再行奏報外理
合將會商開拔緣由先行附片陳明伏祈

皇上聖鑒謹

奏

奉

硃批知道了

為由平番開拔進紮破伯日期恭摺陳報仰祈

聖鑒事竊奴才前因關內肅清後路無虞與督臣左宗棠會商

開拔駐劄各緣由已於本年正月二十一日附片奏明在案

查米拉溝等處應行遷徙客回精壯男丁現在先為遷出由
平番縣擇地安插俾可修造廬舍棲止得所然後再將該家
屬次第遷徙以期穩妥奴才因迎接之新呼弼勒罕不日由
藏前來所有一切迎護事宜亟應早為辦理遂於本月十六
日率帶員弁親兵並駐防連城大寺之利達右營自平番開
拔現於二十日進至碾伯駐紮詎沿途察看情形率皆觸目
荒涼田原茂草間有零星各殘堡逃回難民或數家或十數
家不等苦無生計殊堪憫惻幸目今雪澤霑渥奴才當卽酌
量發給籽種牛隻俾可耕作以期生聚具平番新站河橋驛
冰溝四處分紮奴才所部各營仍飭暫駐原所安行旅而

青
護運事所有奴才自平開紫到破日期理合繕摺由驛奏陳

伏祈

皇上聖鑒謹

奏

奉

硃批知道了

再去冬奴才因病體久未復元附片懇情籲懇
天恩俯准開缺回旗調理於十二月十三日欽奉

殊批豫帥著賞假兩箇月毋庸開缺欽此 奴才跪聆之下仰見
聖主鴻慈逾格泥首涕零感悚無地唯查 奴才積勞夙疾氣體
久虧勢非一時調養所能復元幸自入春天氣和暖比之去
冬已覺稍勝現在假期已滿而迎護新呼弼勦罕要差為日
又迫例須親為帶兵在於邊口照料以昭慎重曷敢再事延
緩致滋貽誤當經開紮破怕趕緊料理出口事宜以期勉効
馳驅唯願嗣後仰托

聖主福庇病軀日漸生復文秋得

發自當竭力撐持斷不敢苟耽安逸

有負